

БУХГАЛТЕРИЯ БАЛАНСИНИ ТУЗИШ САНАСИДАН КЕЙИН ХЎЖАЛИК ФАОЛИЯТИДА ЮЗ БЕРАДИГАН ҲОДИСАЛАР

18. Бухгалтерия балансини тузиш санаси билан молиявий ҳисоботларни эълон қилиш учун тасдиқлаш санаси ўртасида юз берадиган ҳодисалар активларга ва мажбуриятларга тузатишлар киритиш заруратини ёхуд уларни ёритиш заруратини кўрсатиши мумкин.

19. Активлар ва пасивлар балансини тузиш санасидан кейин хўжалик фаолиятида юз берган, узлуксизлик тамоили барча субъектга ёки унинг бир қисмига нисбатан оқланмаганлигини, яъни субъект банкрот бўлганлигини кўрсатувчи ҳодисалар бўйича тузатилиши керак.

20. Активлар ва мажбуриятлар бўйича тузатишлар балансини тузиш санасидан кейин юз берган, балансини тузиш санасида миқдорларни аниқлаш учун қўшимча ахборотни таъминлайдиган ҳодисалар бўйича зарурдир. Масалан, балансини тузиш санасидан кейин юз берган мижознинг банкротлигини тасдиқлайдиган қарз бўйича зарарларга тузатиш киритиш мумкин; бухгалтерия балансини тузиш санасидан кейин ёнғин натижасида асосий ишлаб чиқариш биноси бузилиши ёки бошқа катта корхонани сотиб олиш туфайли асосий воситаларнинг баланс қийматига тузатишлар киритиш.

21. Бухгалтерия балансини тузиш санасидан кейин юз берган хўжалик фаолиятидаги воқеалар шуни кўрсатиши мумкинки, бутун субъект ёки унинг бир қисми ишлаб чиқаришнинг узлуксизлиги

тамойилига мос келмаслигини. Хўжалик юритувчи субъектнинг баланси молиявий ҳолатни ташхис қилиш натижасида молиявий ҳолат ёмонлашганлигини, яъни ноқобилликни кўрсатади, бунда молиявий ҳисоботни эълон қилиш учун тасдиқлашда узлуксизлик тамайилидан фойдаланиш масаласи кўриб чиқилади.

22. Агар балансни тузиш санасидан кейин юз берган ҳодисалар молиявий ҳисоботни тузиш санасида активлар ва пассивларнинг ҳолатига таъсир ўтказмаган бўлса, бироқ улар шу қадар муҳимки, бундай ахборотни ошкор қилмаслик молиявий ҳисоботлардан фойдаланувчиларнинг қарорларини таҳлил этиш ва қабул қилишга таъсир этиши мумкин бўлса, у ҳолда ана шу ҳодисаларнинг моҳияти молиявий ҳисоботга тушунтириш хатида ёритиб берилади.

23. Кутилмаган ҳолатлар солиққа тортишнинг молиявий аҳволига ҳамда даврга тааллуқли бўлган, молиявий ҳисоботда акс эттирилган ва балансни тузиш санасидан кейин таклиф этилган ва эълон қилинган дивидендларга таъсир ўтказган тақдирда, молиявий ҳисоботлар тасдиқлангунигача тузатишлар киритиш ёхуд очиб берилиши керак.